

**Chuig: Údaráis Bhainistíochta na Scoileanna Aitheanta idir Bhunscoileanna, Iar-bhunscoileanna, Phobalscoileanna agus Scoileanna Cuimsitheacha**

**Soláthar Poiblí**

**1. Cuspóir an Chiorcláin**

Is é cuspóir an chiorcláin seo údaráis bhainistíochta na scoileanna a chur ar an eolas faoi athruithe ar chleachtas soláthar poiblí, aird a dhíriú ar imlitir nua a d'eisigh an Roinn Caiteachais Phoiblí agus Athchóirithe maidir le húsáid creataí agus conarthaí lárnacha soláthair agus eolas a thabhairt ar chreataí agus conarthaí soláthair atá ábhartha maidir le scoileanna.

**2. Ceapadh Príomhoifigeach Soláthair agus bunú Oifig Soláthar Rialtais nua**

I Nollaig 2012, ceapadh Paul Quinn ina Phríomhoifigeach Soláthair don tSeirbhís Phoiblí.

Tá Paul Quinn i gceannas ar athchóiriú soláthair ar fud na seirbhíse poiblí agus beidh oifig nua á bhunú aige, an Oifig Soláthar Rialtais (OSR). Rachaidh an OSR i mbun gach soláthair san earnáil poiblí feasta agus bainfidh comhlachtaí earnáil poiblí leas as creataí agus conarthaí a cheapfaidh an oifig sin. Tá beartaithe go ngabfaidh an OSR cúraimí na Seirbhíse Náisiúnta Soláthair uirthi féin ón 1 Eanáir 2014.

Gheofar sonraí obair Paul Quinn agus an OSR ar shuíomh Gréasáin na Roinne ag <http://www.education.ie/en/Schools-Colleges/Information/Procurement/Procurement.html>.

**3. Ciorclán 16/13 ón Roinn Caiteachais Phoiblí agus Athchóirithe**

I gCiorclán 16/13 a d'eisigh an Roinn Caiteachais Phoiblí agus Athchóirithe le deireanas leagtar amach an tslí inar cheart do chomhlachtaí poiblí leas a bhaint as creataí agus conarthaí lárnacha. Beidh gach comhlacht, scoileanna san áireamh, a fhaigheann os cionn 50% dá gcistiú ó chistí poiblí, faoi shainordú an chiorcláin seo. Tá cóip den chiorclán i gceangal leis an doiciméad seo. Gabhann D/PER Ciorclán 16/13 áit an chiorcláin (D/PER ciorclán 06/12) roimhe. Leagtar béim sa chiorclán ar an ngá atá leis an luach is fearr ar airgead a bhaint amach ó thaobh costas earraí agus seirbhísí, agus gníomhaíocht soláthair á cur san áireamh, leis.

**4. Creataí agus conarthaí láraithe**

- Fógraíodh creat le haghaidh breoslaí builc le deireanas, lena n-áirítear ola gháis marcáilte, ceirisín agus gás peitriam leachtaithe. Spárálfadh an creat seo airgead ar scoileanna a bhaineann leas as. Tá comhlachtaí bainistíochta na scoileanna ag cur na scoileanna ar an eolas faoin gcreat seo. Tá treoir cúig chéim ceaptha chun simpliú a dhéanamh ar a mbíonn i gceist le breoslaí builc a fháil ar conradh. Gheofar an treoir cúig chéim sin maille le heolas breise ag <http://www.procurement.ie/suppliers/contracts/2749>.

- Gheofar na creataí agus na conarthaí a bhféadfadh scoileanna leas a bhaint astu ag <http://www.procurement.ie/suppliers/live-contracts> . D'fhéadfadh an conradh maidir le Soláthar Tomhaltán TFC agus an conradh Páipéir a bheith ar na conarthaí is ábhartha.
- Tá an Roinn agus comhlachtaí bainistíochta na scoileanna, thar ceann na scoileanna, ag obair leis an OSR chun comórtas leictreachais a eagrú ar son na scoileanna. Braithfidh an méid airgid a spárálfar ar leictreachas ar an gconradh atá ag an scoil i láthair na huaire, ach d'fhéadfadh sé a bheith chomh hard le 30%. D'iarr comhlachtaí bainistíochta scoile ar scoileanna a leas sa chomórtas seo a chlárú.
- Gheofar eolas breise ó [www.procurement.ie](http://www.procurement.ie), go háirithe sna Ceisteanna Coitianta, agus ó na suíomhanna Gréasáin a riarann comhlachtaí bainistíochta scoile.